

- 1' Jch byn geloffen ferr / vnd wytt
- 2' Nye lår das fleschlin was all zyt
- 3' Biß ich diß brieff den narren büt



Narrechte bottschaft

- 1 Ob ich der botten nún vergaß
- 2 Vnd jnn nit dorheyt ouch zú máß
- 3 Sie manten mich ee selber dran
- 4 Narren müssen eyn botten han

o

5 Der trag jm mund / vnd syg nit lasß
 6 Eyn briefflin das es nit werd nasß
 7 Vnd süfferlich gang vff dem dach
 8 Do mit der ziegelhuff nit krach
 9 Lüg ouch das es jnn nit bevilt
 10 Me enden / dann man jm entpfil
 11 Vnd was er thûn soll / vnd man heißt
 12 Das er / vor wyn / dar vmb nit weißt
 13 Vnd langzyt vff der straß sich sum
 14 Do mit das jm vil lüt bekum
 15 Vnd lüg das er zâr an der nâh
 16 Vnd drystunt vor die brieff besâh
 17 Ob er kûnd wissen / was er trag
 18 Vnd was er weiß / bald wyter sag
 19 Vnd leg syn dâsch nachts vff eyn banck
 20 So er nymbt von dem wyn eyn schwanck
 21 Vnd kum on antwürt wider heym
 22 Das sint die narren die ich meyn
 23 Dem narren schyff louffen sie noch
 24 Sie fynden es hie zwûschen Ach
 25 Doch sôllen sie sich des vermessen
 26 Das sie des flâschlins nit vergessen
 27 Dann jnn jr leber / vnd geschirr
 28 Von louffen / liegen würt gantz dürr /
 29 Wie gût der schne erkûlung gyt
 30 Wann man jn fyndt jnn summers zyt
 31 Also ergetzt eyn trüwer bott
 32 Den / der jn vß gesendet hat
 33 Der bott ist lob / vnd eren werd
 34 Der bald kan werben / das man bgert

15 das *GW5046 GW5047*] des *GW5041*